



戴叔倫集卷上



五言古詩

去婦怨

出戶不敢啼風悲日悽悽  
心知恩義絕誰忍  
分明別下坂車轉轉畏逢鄉里親  
空持牀前幔却寄家中人  
忽辭王吉去為是秋胡死若  
比今日情煩冤不相似

古意

悠悠南山雲濯濯東流水  
念我平生歡托居



在東里失既不足憂得亦不為喜安貧固其  
然處賤寧獨耻雲間虛我心水清澹吾味雲  
水俱無心斯可長伉儷

南野

治田長山下引流坦溪曲東山有遺塋南野  
起新築家世素業儒子孫鄙食祿披雲朝出  
畊帶月夜歸讀身勤竟亡疲團團欣在目野  
芳綠可採泉美清可掬茂樹延晚涼早田候  
秋熟茶烹松火紅酒吸荷杯綠解佩臨清池  
撫栗看修竹此懷誰與同此樂君所獨

曾遊

泊舟古城下高閣快登眺大江會彭蠡群峯  
割玄嶠清影涵空明黛色凝遠照碑留太史  
書詞刻長公調絕粒感楚囚丹衷猶照耀懷  
哉不可招凭闌一悲嘯

江行

漾舟晴川裡掛席候風生臨泛何容與愛此  
江水清蘆洲隱遙嶂露日映孤城自願踈野

性屢忘鷗鳥情聊復於時  
暫欲解塵纓驅  
馳非吾願虛懷浩已盈

孤鴻篇

江上雙飛鴻飲啄行相隨  
翔風一何厲中道  
傷其雌顧影明月下哀鳴聲正悲  
已無矰繳  
患豈乏稻梁資噉噉慕儔匹  
遠集清江湄中  
有孤文鵠翩翩好容儀  
共欣相知遇畢忘同  
棲蓬野田鴟鴞鳥相妬  
復相疑鴻志不汝較  
奮志起高飛焉隨腐鼠  
負此雲霄期

感懷二首

尺帛無長裁淺水無長流  
水淺易成枯帛短  
誰人收人生取舍間趨競固非優  
舊交跡雖踈中心自云稠  
新交意雖密中道生怨尤  
踟躕復踟躕世路今悠悠

主人飲君酒勸君弗相違  
但當盡弘量觴至  
無復辭人生百年中會合能幾時  
不見枝上  
花昨滿今漸稀花落還再開  
人老無少期古  
來賢達士飲酒不復疑

喜雨

間居倦時燠開軒俯平林雷聲殷遙空雲氣  
布層陰川上風雨來灑然滌煩襟田家共歡  
笑溝澮亦已深團團聚隣曲斗酒相與斟  
歌野曲中漁釣滄江潯蒼天暨有念悠悠終  
我心

嘆葵花

今日見花落明日見花開花開能向日花落  
委蒼苔自不同凡卉看時幾日迴

從軍行

丈夫四方志結髮事遠遊遠遊歷燕薊獨戍  
邊城陬西風壠木寒明月關山愁酬恩仗孤  
劍十年弊貂裘封侯屬人蹉跎雪盈頭老  
馬思故櫪窮鱗憶深流彈鋏動深慨浩歌氣  
橫秋報國期努力功名良見收

七言古詩

女耕田行

乳鷲入巢笋成竹誰家二女種新穀無人無

牛不及犁持刀斫地翻作泥自言家貧母年老長兄從軍未娶嫂去年災疫牛國空截絹買刀都市中頭巾掩面畏人識以刀代牛誰與同姊妹相攜心正苦不見路人唯見土疏通畦壟防亂田整頓溝塍待時雨日正南岡下餉歸可憐朝雉擾驚飛東隣西舍花發盡共惜餘芳淚滿衣

柳花歌送客往桂陽

滄浪渡頭柳花發斷續因風飛不絕搖煙拂

水積翠間綴雪含霜誰忍攀夾岸紛紛送君去鳴棹孤尋到河處移家深入桂水源種柳新成花更繁定知別後消散盡却憶今朝傷旅魂

邊城曲

人生莫作遠行客遠行莫戍黃沙磧黃沙磧下八月時霜風裂膚百草衰塵沙晴天迷道路河水悠悠向東去胡笳聽徹雙淚流慘慘生邊愁原頭獵犬夜相向馬蹄蹴蹋層

冰上不侶京華俠少年客青歌妙

屯田詞

春來耕田遍沙磧老稚欣欣種禾麥麥苗漸  
長天苦晴土乾确确鉏不得新禾未熟飛蝗  
至青苗食盡餘枯莖捕蝗歸來守空屋囊無  
寸帛銚無粟十月移屯來向城官教去伐南  
山木驅牛駕車入山去霜重草枯牛凍死艱  
辛歷盡誰得知望斷天南淚如雨

巫山高

巫山峨峨高插天危峯十二凌紫煙瞿塘嘈  
嘈急如絃洄流逆將覆船雲梯豈可進百  
丈那能牽陸行巉巖水不前灑淚向流水淚  
歸東海邊含愁對明月明月空自圓故鄉回  
首思綿綿側身天地心茫然

早春曲

青樓昨夜東風轉錦帳凝寒覺春淺垂楊搖  
絲鶯亂啼裊裊煙光不堪剪博山吹雲龍腦  
香銅壺滴愁更漏長玉頰啼紅夢初醒羞見

青鸞鏡中影儂家少年愛遊逸萬里輪蹄去  
無跡朱顏未衰消息稀腸斷天涯草空碧

白苧詞

館娃宮中露華冷月落啼鴉散金井吳王扶  
頭酒初醒秉燭張筵樂清景美人不眠憐夜  
未起舞亭亭亂花影新裁白苧勝紅銷玉珮  
珠纓金步搖回鸞轉鳳意自嬌銀箏錦瑟聲  
相調君恩如水流不斷但願年年此同宵東  
風吹花落庭樹春色催人等閒去大家爲歡

莫猶豫頃刻銅龍報天曙

行路難

出門行路難富貴安可期淮陰不免惡少辱  
阮生亦作窮途悲顛倒英雄古來有封侯却  
屬香沾兒長安車馬隨輕肥青雲賓從紛交  
馳白眼向人多意氣宰牛烹羊如折葵讌樂  
寧知白日短時時醉擁雙蛾眉楊雄閉門空  
讀書門前碧草春離離不如拂衣且歸去世  
上浮名徒爾爲



相思曲

高樓重重閉明月腸斷仙郎隔年別紫簫橫  
笛寂無聲獨向瑤窓坐愁絕魚沉鴈杳天涯  
路始信人間別離苦恨滿牙牀翡翠衾怨折  
金釵鳳凰股井深轆轤嗟綆短衣帶相思日  
應緩將刀斫水水復連揮刃割情情不斷落  
紅亂逐東流水一點芳心為君死妾身願作  
巫山雲飛入仙郎夢魂裏

五言律詩

送別錢起

陽關多古調無奈醉中聞歸夢吳山遠離情  
楚水分孤舟經暮雨征路入秋雲後夜同明  
月山窓定憶君

送張南史

陋巷無車轍煙蘿總是春賈生猶未達原憲  
竟忘貧草座留山月荷衣遠洛塵最憐知己  
在林下訪閒人

春日早朝應制

仙仗肅朝官承平聖主歡月沉宮漏靜雨濕  
禁花寒丹荔來金闕朱櫻貢玉盤六龍扶御  
日只許近臣看

早行寄朱放

山曉旅人去天高秋氣悲明河川上沒芳早  
露中衰此別又千里少年能幾時心知剡溪  
路聊且寄前期

除夜宿石頭驛

旅館誰相問寒燈獨可親一年將盡夜萬里  
未歸人寥落悲前事支離笑此身愁顏與衰  
鬢明日又逢春

吳明府自遠而來留宿

出門逢故友衣服滿塵埃歲月不可問山川  
何處來綺城容弊宅散職寄靈臺自此留君  
醉相歡得幾迴

客夜與故人偶集

天秋月又滿城闕夜千重還作江南會翻疑  
夢裏逢風枝驚暗鵲露草覆寒蛩羈旅常堪

最相留畏曉鍾

送友人東歸

萬里楊柳色出關送故人輕煙拂流水落日  
照行塵積夢江湖閱憶家兄弟貧徘徊灞亭  
上不語自傷春

江上別張歡

年年五湖上厭見五湖春長醉非關酒多愁  
不為貧山川迷道路伊洛困風塵今日扁舟  
別俱為滄海人

廣陵送趙主簿自蜀歸

將歸汾水上遠省錦城來已泛西江盡仍隨  
北鴈迴暮雲征馬速曉月故關開漸向庭闈  
近留君醉一杯

別友人

擾擾倦行役相逢陳蔡間如何百年內不見  
一人閒對酒惜餘景問程愁亂山秋風萬里  
道又出穆陵關

宿城南盛本道懷皇甫冉

暑夜宿南城懷人夢不成高樓邀落月疊鼓  
送殘更隔浦雲林近滿川風露清東碕不可  
見矯首若爲情

暉上人獨坐亭

蕭條人境外兀坐獨叅禪蘿月明盤石松風  
落澗泉性空長入定心悟自通玄去住渾無  
跡青山謝世緣

送崔融

王者應無敵天兵動遠征建牙連朔漠飛騎  
入胡城夜月邊塵影秋風隴水聲陳琳能草  
檄含笑出長平

遊少林寺

步入招提路因之訪道林石龕苔蘚積香徑  
白雲深雙樹含秋色孤峰起夕陰徠廊行欲  
遍回首一長吟

崇德道中

暖日菜心稠晴煙麥穗抽客心雙去翼歸夢  
一遍舟廢塔巢雙鶴長波漾白鷗關山明月

到愴惻十年遊

雨

歷歷愁心亂迢迢獨夜長  
春帆江上雨曉鏡  
鬢邊霜啼鳥雲山靜  
落花溪水香家人亦念  
我與汝黯相忘

過賈誼宅

一謫長沙地三年嘆逐臣  
上書憂漢室作賦  
弔靈均舊宅秋荒草  
西風薦客顛淒涼回首  
處不見洛陽人

冬日有懷李賀長吉

歲晚齋居寂情人動我思  
每因一樽酒重和  
百篇詩月冷猿啼慘  
天高鴈去遲夜郎流落  
久何日是歸期

送郎士元

白髮金陵客懷歸不暫留  
交情分兩地行色  
載孤舟黃葉蟬吟晚  
滄江鴈送秋何年重過  
此詩酒復追遊

春江獨釣

獨釣春江上  
春江引趣長  
斷煙栖草碧  
流水帶花香  
心事全沙鳥  
浮生寄野航  
荷衣塵不染  
後用濯滄浪

山居即事

巖雲掩竹扉  
去鳥帶餘暉  
地僻生涯薄  
山深俗事稀  
養花分宿雨  
剪葉補秋衣  
野渡逢漁子  
同舟蕩月歸

賦長亭柳

濯濯長亭柳  
陰連灞水流  
雨槎金縷細  
煙裊翠絲柔  
送客添新恨  
聽鶯憶舊遊  
贈行多折取  
那得到深秋

客中言懷

白髮照烏紗  
逢人只自嗟  
官閑如致任  
客久似無家  
夜雨孤燈夢  
春風幾度花  
故園歸有日  
詩酒老生涯

山行

山行分曙色  
一路見人稀  
野鳥啼還歇  
林花墮不飛  
雲迷棲鶴寺  
水澁釣魚磯  
回首天將

暝逢僧話未歸

春日訪山人

遠訪山中客分泉謾煮茶相携林下坐共惜  
髮邊華歸路逢殘雨沿溪見落花候門童子  
問遊樂到誰家

卧病

門掩青山卧莓苔積雨深病多知藥性客久  
見人心衆鳥趨林徧孤蟬抱葉吟滄洲詩社  
散無夢盍朋簪

贈月溪羽士

月明溪水上誰識步虛聲夜靜金波冷風微  
玉練平自知塵夢遠一洗道心清更弄瑤笙  
罷秋空鶴又鳴

贈行脚僧

補衲隨緣住難離塵外蹤木杯能渡水鐵鉢  
肯降龍到處棲雲榻何年卧雪峰知師歸日  
近應偃舊房松

重遊長真寺

同到長真寺青山四面同鳥啼花竹暗人散  
戶庭空蒲 十年雨松門午夜風舊遊悲往  
日回首各西東

晚望

山氣碧氤氳深林帶夕曛人歸孤嶂晚犬吠  
隔溪雲杉竹何年種煙塵此地分桃源寧異  
此猶恐世間人

寄贈翠巖奉上人

蘭若倚西崗年深松桂長似聞葛洪井還近  
贊公房掛衲雲林淨翻經石榻涼下方一回  
首煙露日蒼蒼

過龍灣五王閣訪友人不遇

野橋秋水落江閣暝煙微白日又欲午高人  
猶未歸青林依石塔虛館靜柴扉坐久思題  
字翻憐柿葉稀

與友人過山寺

共有春山興幽尋此日同談詩訪靈徹入社  
愧陶公竹暗閑房雨茶香別院風誰知塵境



外路與白雲通

送王明府

古井庇幽亭涓涓一竇明  
仙源通海水靈液  
孕山精久旱寧同涸長年  
祗自清欲彰貞白  
操酌獻使君行

送耿十三緯復往遼海

仗劔萬里去孤城遼海東  
旌旗愁落日鼓角  
壯悲風野迥邊城息烽消  
戍壘空轅門正休  
暇投策拜元戎

寄禪師寺華上人次韻三首

百年渾是客白髮總盈巔  
佛國三秋別雲臺  
五色連朝盤香積鉢夜甕  
落花泉遙憶談玄  
地月高人未眠

禪心如落葉不逐曉風顛  
猊座翻蕭瑟泉比  
喜接連芙蓉開紫霧湘玉  
映清泉白晝談經  
罷閑從石上眠

德士名難避風流學濟顛  
禮羅加壁至薦鸚  
與雲連塵世休飛錫松林  
且枕泉近聞離講

席聽雨半山眠

獨坐

白髮懷閩嶠丹心戀薊門官閑勝道院宅遠  
類荒村二月霜花薄群山雨氣昏東菑春事  
及好向野人論

舟中見雨

今夜初聽雨江南杜若青功名何鹵莽兄弟  
總彫零夢遠愁蝴蝶情深愧鶴鷄撫孤終日  
意身世尚流萍

送僧南歸

兵塵猶瀕洞僧舍亦徵求師向江南去予方  
轂下留風霜兩足白宇宙一身浮歸及梅花  
發題詩寄壠頭

江干

江干望不極樓閣影繽紛水氣多為雨人煙  
遠是雲予生何濩落客路轉辛勤楊柳牽愁  
思和春上翠裙

過友人隱居

瀟灑絕塵喧清溪沉遶門水聲鳴石賴蘿影  
到林軒地靜留眠鹿庭虛下飲猿春花正夾  
岸何必問桃源

宿天竺寺曉發羅源

黃昏投古寺深院一燈明水砌長杉列風廊  
敗葉鳴山雲留別傷王事速歸程迢遞羅源  
路輕輿候曉行

留宿羅源西峯寺示輝上人

一宿西峰寺塵煩暫覺清遠林生夕籟高閣  
起鍾聲山寂僧初定廊深火自明雖云殊出  
處聊與說無生

題橫山寺

偶入橫山寺湖山景最幽露涵松翠濕風湧  
浪花浮老衲供茶盃斜陽送客舟自緣歸思  
促不得更遲留

泛舟

風軟扁舟穩行依綠水堤孤樽秋露滑短棹  
晚煙迷夜靜月初上江空天更低飄飄信流

去悞過子猷溪

宿靈巖寺

馬疲盤道峻投宿入招提雨急山溪漲雲迷  
嶺樹低涼風來殿角赤日下天西偃腹虛簷  
外林空鳥恣啼

江上別劉駕

天涯芳草遍江路又逢春海月留人醉山花  
笑客貧離杯傾祖帳征騎逐行塵回首風流  
地登臨少一人

南軒

野居何處是軒外一橫塘座納薰風細簾垂  
白日長面山如對畫臨水坐流觴更愛閒花  
木欣欣得向陽

泊鴈

泊鴈鳴深渚收霞落晚川析隨風斂陣樓映  
月低弦漠漠汀帆轉幽幽岸火燃壑危通細  
路溝曲繞平田

戴叔倫集卷上

戴叔倫集卷下

七言律詩

寄萬德躬故居

日暮山風吹女蘿  
故人舟楫定如何  
呂仙祠下寒砧急  
帝子閣前秋水多  
閩海風塵鳴戍鼓  
江湖煙雨暗漁蓑  
何時醉把黃花酒  
聽爾南征長短歌

酬耿少府見寄

方丈蕭蕭落葉中  
暮天深巷起悲風  
流年不

盡人自老外事無端心已空家近小山當海  
畔身留環衛蔭墻東遙聞相訪頻逢雪一醉  
寒宵誰與同

寄司空曙

細雨柴門生遠愁向來詩句若為酬林花落  
處頻中酒海燕飛時獨倚樓北郭晚晴山更  
遠南塘春盡水爭流可能相別還相憶莫遣  
楊花笑白頭

過故人陳羽山居

向來携酒共追攀此日看雲獨未還不見山  
中人半載依然松下屋三間峰攢仙境丹霞  
上水遶漁磯綠玉灣却望夏洋懷二妙滿崖  
霜樹曉班班

贈慧上人

仙槎江口槎溪寺幾度停舟訪未能頗恨頻  
年為達客喜從異郡識高僧雲霞色醜禪房  
衲星月光涵古殿燈何日却飛真錫返故人  
木翳寒藤

弔暢當

萬里江南一布衣，早將佳句動京畿。  
徒聞子敬遺琴在，不見相如駟馬歸。  
朔雪恐迷新塚草，秋風愁老故山薇。  
玉堂知己能銘述，猶得精魂慰所依。

寄劉禹錫

謝相園西石徑斜，知君習隱暫爲家。  
有時出郭行芳草，長日臨池看落花。  
春去能忘詩共賦，客來應是酒頻賒。  
五年不見西山色，悵望浮雲隱洛霞。

寄孟東野

亂餘城郭怕經過，到處閒門長薜蘿。  
用世空悲聞道淺，入山偏喜識僧多。  
醉歸花徑雲生履，樵罷松巖雪滿蓑。  
石上幽期春又暮，何時載酒聽高歌。

贈徐山人

亂餘山水半凋殘，江上逢君春正闌。  
針自括南天，宵宵星猶拱北夜。  
漫漫漢陵帝子苗，金

盤晉代神仙白玉棺回首風塵千里引故園  
煙雨五峰寒

過賈誼舊居

楚鄉悲濕歎殊方鵬賦人非宅已荒謾有長  
書憂漢室空將哀些弔湘沅雨餘古井生秋  
草葉盡疎林見夕陽過客不須頻太息咸陽  
宮殿亦淒涼

宮詞

紫禁迢迢宮漏鳴夜深無語獨含情春風鸞  
鏡愁中影明月羊車夢裏聲塵暗玉堦碁跡  
斷香飄金屋篆煙清貞心一任蛾眉妬買賦  
何須問馬卿

漢宮人入道

蕭蕭白髮出宮門羽服星冠道意存霄漢九  
重辭鳳闕雲山何處訪桃源瑤池醉月勞仙  
夢玉輦乘春却帝恩回首吹簫天上伴上陽  
花落共誰言

二靈寺守歲



守歲山房迥絕綠燈光香  
共蕭然無人更  
獻椒花頌有客同叅栢子禪已悟化城非樂  
界不知今夕是何年憂心悄悄渾忘寐坐待  
扶桑日麗天

暮春懷感二首

杜宇聲聲喚客愁故園何處此登樓落花飛  
絮成春夢剩水殘山異昔游歌扇多情明月  
在舞衣無  
絲雲收東皇去後韶華盡老圃  
寒香別有秋

四十無聞嬾慢身於情丘壑任任真悠悠往  
事杯中物赫赫時名扇外塵短策看雲松寺  
晚踈簾聽雨草堂春山花水鳥皆知已百遍  
相過不厭貧

哭朱放

幾年湖海挹餘芳豈料蘭摧一夜霜人世空  
傳名耿耿泉臺杳隔路茫茫碧窓月落琴聲  
斷華表雲深鶴夢長最是不堪回首處九泉  
煙冷樹蒼蒼

五言絕句

贈李唐山人

此意靜無事閉門風景遲柳條將白髮相對  
共垂絲

留別顧明府

江南雨初歇山暗雲猶濕未可動歸橈前程  
風正急

題秦隱居麗句亭

北人歸欲盡猶自住蕭山閉戶不暫出詩名

滿世間

三閭廟

沉湘流不盡屈子怨何深日暮秋風起蕭蕭  
楓樹林

送王司直

西塞雲山遠東風道路長人心勝潮水相送  
過潯陽

宿無可上人房

偶來人境外何處染蠶塵倘許栖林下僧中

老此身

山居

麋鹿自成群  
何人到白雲  
山中無外事  
終日醉醺醺

口號

白髮千莖雪  
寒窓懶著書  
最憐吟首  
看不及  
向桑榆

夜坐

夜靜河漢高  
獨坐庭前月  
忽起故園思  
動作

經年別

隄上柳

垂柳萬條絲  
春來織別離  
行人攀折處  
閨妾斷腸時

遣興

明月臨滄海  
閒雲戀故山  
詩名滿天下  
終日捲柴關

贈張揮使

謫戍孤城小  
思家萬里遙  
漠廷求衛霍  
劔珮

上青霄

偶成

野水連天碧峯巒入海青  
滄浪者誰子一曲醉中聽

畫蟬

飲露身何潔吟風韻更長  
斜陽千萬樹無處避螂

題天柱山圖

拔翠五雲中擎天不計功  
誰能凌絕頂看取

日升東

松鶴

雨濕松陰涼風落松花細  
獨鶴愛清幽飛來不飛去

草堂一上人

一公持一鉢相復度遙岑  
地瘦無黃獨春來草更深

題黃司直園

為憶去年梅凌寒特地來  
門前空臘盡渾未

有花開

北山游亭

西崦水泠泠沿岡有游亭自從春草長遙見  
祗青青

七言絕句

對月答元明府

山下孤城月上遲相留一醉本無期明年此  
夕遊何處縱有秋光知對誰

湘南即事

盧橘花開飄葉衰出門何處望京師沅湘日  
夜東流去不爲愁人住少時

送呂少府

共醉流芳獨歸去故園高士日相親深山古  
路無楊柳折取桐花寄遠人

贈殷亮

日日河邊見水流傷春未已復悲秋山中舊  
宅無人住來往風塵共白頭

夏日登鶴巖偶成

天風吹我上層岡  
露灑長松六月涼  
願借老僧雙白鶴  
碧雲深處共翱翔

題淨居寺

玉壺山下雲居寺  
六百年來選佛場  
滿地白雲關不住  
石泉流出落花香

昭君詞

漢家宮闕夢中歸  
幾度氍毹房淚濕  
衣惆悵不如邊鴈影  
秋風猶得向南飛

織女詞

鳳梭停織鵲無音  
夢憶仙郎夜夜心  
難得相逢容易別  
銀河爭似妾愁深

塞上曲二首

軍門頻納受降書  
一劍橫行萬里餘  
漢祖謾誇婁敬策  
卻將公主嫁單于  
漢家旌幟滿陰山  
不遣胡兒疋馬還  
願得此身長報國  
何須生入玉門關

閨怨

看花無語淚如傾  
多少春風怨別情  
不識玉

門關外照夢中昨夜到邊城

春怨

金鴨香消欲斷魂梨花春雨掩重門欲知別後相思意回看羅衣積淚痕

旅次寄湖南張郎中

閉門茅底偶為隣北阮那憐南阮貧却是梅花無世態隔牆分送一枝春

題友人山居

四郭青山處處同客懷無計荅秋風數家茅

屋清溪上千樹蟬聲落日中

別鄭谷

朝陽齋前桃李樹手栽清蔭接比隣明年此地看花發愁向東風憶故人

贈鶴林上人

日日澗邊尋茯苓巖扉常掩鳳山青歸來掛袖高林下自剪芭蕉寫佛經

題稚川山水

松下茅亭五月涼汀沙雲樹晚蒼蒼行人無

限秋風思隔水青山似故鄉

過柳溪道院

溪上誰家掩竹扉鳥啼渾似惜春暉日斜深  
巷無人跡時見梨花片片飛

荔枝

紅顆真珠誠可愛白鬚太守亦何癡十年結  
子知誰在自向中庭種荔枝

憶原上人

一兩棕 八尺藤廣陵行遍又金陵不知竹

雨竹風夜吟對秋山那寺燈

閑思

伯勞東去鶴西還雲總無心亦度山何似巖  
陵灘上客一竿長伴白鷗閒

蘭溪棹歌

涼月如眉掛柳灣越中山色鏡中看蘭溪三  
日桃花雨半夜鯉魚來上灘

蘇溪亭

蘇溪亭上草漫漫誰倚東風十二闌燕子不



歸春事晚一汀晚雨杏花寒

戴叔倫集卷下終



